



25. oktober 2021

Inatsisartut ingerlatsinermut maleruagassaasa § 37 imm. 1 tunngavigalugu Naalackersuisunut ukuningga apeqquteqaateqarpunga:

Naalackersuisunut apeqquteqaatit:

1. Naalackersuisut nassuiarsinnaavaat innersuussisarnermut piumasaqaatit atuuttut malillugit, kikkut kigutinit narlorsaatinik katsorsarneqarnissaminnut neqeroorfigineqarsinnaanersut?¹
 - a. Naalackersuisut Peqqissutsimullu aqutsisut akornanni oqaloqatigiittoqarsimava, uani aamma Kigutit Nakorsaanerat, uuma politikikkut suliniutissatut kissaatigisap piviusunngortinnera pillugu?
 - b. Decembarimi 2020² Naalackersuisut neqeroorfigineqarnissamut piumasaqaatit nalunaarutigineqarnerisa kingorna allanngortoqarsimava?
 - c. Meeqqat qassit kigutinit narlorsaatinik neqeroorfigineqarsimappat, januar 2021 aallartinnerani neqerooruteqaqqittalernerup kingorna?
2. Kigutit alleqqullu narlorsarnerinut tunngasumik Aningaasanut inatsimmi atuisimanermut Naalackersuisut nassuiaateqarsinnaappat?
 - a. Naalackersuisut suliniutit suut aallartinniarpaat, siunertamut aningaasanut inatsimmi aningaasat qilersorsimasut atorineqarnissaat qulakkeerniarlugu?
3. Ilumoorpa, nunatsinni piffiit ilaanni pisortat kigutigissaasuinit kigutit sorlaannik suliarinnittarneq neqeroorutigineqartarunnaarsimassoq? Akissut tunngavilersoqquneqarpoq.
4. Sulisoqarniarneq sulisullu aalaakkaanerat (sulisut nikerarnerat) qanoq isikkoqarpa pisortat kigutileriffianni?
 - a. Naalackersuisut nassuiarsinnaavaat, suliffik pitsaasoq qanoq ilillugu qulakkeerneqarsinnaanersoq?
 - b. Nunatsinni pisortat ingerlataanni kigutilerisut periarfissaqarpat, sapaatip akunneranut sivikinnerusumik sulisinnaanerannut, soorlu peqqinnissaqarfimmi peqqissaasut sulisut ilaatigut sapaatip akunneranut 36 tiiminik sulinissaminnut periarfissaasoq? Taamaattoqarsimappat, qassimmita taaamatut isumaqatigiissuteqarlutik atorfeqarpat?
 - c. Nunatsinni pisortat ingerlataanni kigutilerisutut sulissagaani piumasaqaataava sapaatip akunneranut minnerpaamik 40 tiiminik sulisoqassasoq?

(Inatsisartunut ilaasortaq Anna Wangenheim, Demokraatit)

Tunngavilersuut

Taamani Peqqissutsimut Naalackersuisunngorama siullit ilagalugit qulakkeerpara, meeqqat inuusuttullu nunatsinni kigutaasa narlorissartinneqarsinnaanerani katsorsaaneq. Taamani isumaqatigineqaqaaq,

¹ https://naalackersuisut.gl/da/Naalackersuisut/Nyheder/2020/12/2812_Tandboejler

² <https://knr.gl/da/nyheder/naalackersuisut-vil-tilbyde-tand%C3%B8jler-igen>



maannalu aamma isumaqatigineqaqaluni, meerartatta inuusuttattalu taamatut kigutimikkut suliaritittarnissaat. Tamannalu aamma inatsisineereerpoq.

Taamaattumik tusarusuppara, pilersaarutiniq tigussaasunik aallartitsisoqarsimanersoq kigutitut narlorsaatitut tunngatillugu kingullermik isummorsornerma kingorna. Suliniut ilaqutariinnit meerartalinnit soqutigineqarsimaqaaq, taamaattumillu pissusissamisoorpoq, uannut saaffiginnittarnerat, tassa ilaqutariit meerartallit arlallit oqaluttuarmata meeqqaminnut taamatut ittumik suliamik aallartitseqqinnerma kingorna, neqeroorutiniq amigaaqarlutik. Tamannami neriorsuutaasimasup akerlerluinnaraa.

Siorna karsip misissorneqarnerani ersarissivoq, Aningaasanut Inatsimmi konto Kigutit alleqqullu narlorsarneritut atugassani aningaasanik atorneqanngittoqartoq. Tamanna assut paasiuminaatsissimavarput, tassa siusinnerusukkut nalunaarutigineqarsimammat, meeqqanut tamanut kigutiniq nallorsaanissamik neqerooruteqarnissamut akissaqartoqanngitsoq, Peqqissutsimulli qullersat aappaatigut oqaaseqaateqarlutik, 20 millioner koruuniniq pisariaqartitsisoqassasoq kigutitut nallorsaatiniq neqerooruteqartoqassappat.

Ajoraluartumik siullermiilingilaq, innuttaasunik saaffigineqarlunga, inatsisineereersunik peqqinnissamut neqeroorutiniq naleqqutinngitsunik nalaataqarsimasunik aammalu kigutigissaasunik nalunaarutigineqartunik. Ajoraluartumillu suliffimmi atugassarititaasut ilaatigut aamma naammaginanginnerannik anngussisoqartarpoq, tamannalu ilaatigut suliumajunnaarnermik kinguneqartarpoq, toqqaannartumillu innuttaasunut kiffartuusinnermut sunniuteqartarpoq. Taamaattumik pisariaqarlunnaarpoq eqqummaariffigineqassasoq pisortat ingerlataanni suliffeqarfiup ingerlalluarnissaa, sulisullu pitsaasunik atugassaqaartinneqarnissaat.

Uggornarpoq, innuttaasut naammagittaalliornerminni isigineqannginnermik tusaaneqannginnermillu misigisarnerat, naak taakku suliap ingerlanneqarneranut aqqutit eqqortut atoraluarlugit. Sulisunut atugassarititaasut qulakkeernerisigut innuttaasut suliaritinnissaasa qulakkeerneqarnissaanut tamanna pingaaruteqartorujussuuvoq.

Apeqquteqaatima ullut suliffiusut qulit iluanni akineqarnissaat kissaatigaara.



DEMOKRAATIT
DEMOKRATERNE